

四庫全書

史部

欽定四庫全書

歷代帝王宅京記卷十

崑山顧炎武撰

洛陽三

洛陽伽藍記曰魏太和十七年高祖遷都洛陽詔司空公穆亮營造宮室洛陽城門依魏晉舊名東面有三門北頭第一門曰建春門漢曰上東門阮籍詩曰步出上東門是也魏晉曰建春門高祖因而不改次南曰水陽

門漢曰東中門魏晉曰東陽門太祖因而不改次南曰青陽門漢曰望京門魏晉曰清明門高祖改為青陽門南面有三門東頭第一門曰開陽門初漢光武遷都洛陽作此門始成未有名忽夜中有一柱自來在樓上後琅玕開陽縣上言縣南城門一柱飛去使來視之則是也因以開陽為名魏晉及高祖因而不改次西曰平昌門漢曰平門魏晉曰平昌門高祖因而不改次西曰宣陽門漢曰津陽門魏晉曰宣陽門高祖因而不改西南

有四門南頭第一門曰西明門漢曰廣陽門魏晉因而  
不改高祖改為西明門次北曰西陽門漢曰雍門魏晉  
曰西明門高祖改為西陽門次北曰閭闔門漢曰上西  
門上有銅璇璣玉衡以齊七政魏晉曰閭闔門高祖因  
而不改次北曰承明門高祖所立當金墉城前東北大  
道遷京之始宮闕未就高祖住在金墉城城西有王南  
寺高祖數詣寺沙門論義故通此門而未有名世人謂  
之新門時王公卿士常迎駕於新門高祖謂御史中尉

李彪曰曹植詩云謁帝承明廬此門宜以承明為稱遂名之北面有二門西頭曰大夏門漢曰夏門魏晉曰大夏門高祖世宗造三層樓去地二十丈洛陽城門樓皆兩重去地百尺唯大夏門堯棟干雲東頭曰廣莫門漢曰穀門魏晉曰廣莫門高祖因而不改自廣莫門以西至於大夏門宮觀相連被諸城上也一門有三道所謂九達

城內永寧寺熙平元年靈太后胡氏所立也在宮前閣

闔門南一里御道西其寺中有太尉府西對永康里南  
界昭元曹北鄰御史臺闔門前御道東有左衛府南  
有司徒府司徒府南有國子學堂國子學南有宗正寺  
寺南有太廟廟南有護軍府府南有衣冠西里御道有  
右衛府府南有將作曹曹南有九級府府南有太社社  
南有凌陰里即四朝時藏冰處也中有九級浮圖一所  
建義元年太原王爾朱榮總士馬於此寺永安二年五  
月北海王顥入洛在此寺聚兵三年逆賊爾朱兆囚莊

帝於寺永熙三年二月浮圖為火所燒其年十月京師  
遷鄴

建中寺普泰元年尚書令樂平王爾朱世隆所立也本  
閹官司空劉騰宅在西陽門內御道北延年里宅東有  
太僕寺寺東有乘黃署署東有武庫署即魏相國司馬  
文王府武庫東至闔闔門是也西南門內御道南有永  
康里內有領軍將軍元乂宅孝昌元年太后誅乂等沒  
騰田宅普泰元年世隆為榮追福題以為寺

長秋寺劉騰所立  
在西陽門內御道北一里  
亦在延年里是晉中朝時  
金市處寺北有濛汜池

瑤光寺世宗宣武皇帝所立  
在閭闔門御道北東去千秋門二里  
千秋門內道北有西遊園園中有凌雲臺是魏文帝所築者臺上有八角井  
高祖於井北造涼風觀登之遠望目極洛川  
臺下有碧海曲池臺東有宣慈觀去地十丈  
觀東有靈芝釣臺累水為之出於海中去地二十丈  
風生戶牖雲起梁棟丹楹刻桷圖寫列仙刻石



為鯨魚背負釣臺如自空中飛下釣臺南有宣光殿北有嘉福殿西有九龍殿殿前九龍吐水成一海凡四殿皆有飛閣向靈芝臺往來三伏之月皇帝在靈芝臺避暑寺北有承明門金墉城即魏氏所築晉永康中惠帝幽於金墉城東有洛陽小城永嘉中所築城東北角有魏文帝百尺樓年雖久遠形製如初高祖在城內作光極殿因名金墉城門為光極門又作重樓飛閣遍城上下從地望之如雲也

景樂寺太傅清河文獻懌所立也在闔闔南御道西望  
永寧寺正相當西有司徒府北連義井里里北門外有  
桑樹數十株下有甘井一所飲水庇陰多有懋者

昭儀尼寺闔官等所立也在東陽門內一里御道南東  
陽門內道北太倉道官二署東南治粟里倉司官屬住  
其內寺有池京師學徒謂之翟泉街之案杜預注春秋  
云翟泉在晉太倉西南案晉太倉在建春門內今太倉  
在東陽門內此地在今太倉西南明非翟泉也後隱士

趙逸云此是晉侍中石崇家池池南有綠珠樓於是學  
徒始寤

修梵寺在青陽門內御道北寺北有永和里漢太師董  
卓之宅也里南北皆有池卓之所造今猶有水冬夏不  
竭

建春門內御道南有句盾典農籍田三畧籍田南有司  
農寺御道北有空池擬作東宮晉中朝時太倉南有翟  
泉周迴三里即春秋所謂王子虎晉狐偃盟於翟泉也

水猶澄清洞底明淨高祖於泉北置河南尹晉中朝時

步廣里也

王隱晉書曰董養字重道秦始初到洛陽干祿求榮永嘉中洛城東北角步廣里地陷中

有二鴉蒼者飛去白者不能飛問之博識者莫能知養聞嘆曰昔周時所盟會狄泉此地也中有二鴉蒼者胡象後胡當入洛白者不能飛此國諱也泉西有華林園高祖以泉在園東

因名蒼龍海華林園中有大海即漢天淵池池中猶有

文帝九華臺高祖於臺上造清涼殿世宗於海內作蓬

萊山山上有仙人館上有釣臺殿並作虹蜺閣乘虛來

往至於三月禊日季秋九辰皇帝駕龍舟鷁首遊於其

上海西有藏冰室六月出冰以給百官海南有景山殿  
山東有羲和嶺嶺上有溫風室山西有姮娥峰峰上有  
寒露館並飛仙閣相通凌山跨谷山北有元武池山南  
有清暑殿殿東有臨澗亭殿西有臨危臺景陽觀山南  
有百果園園有柰林柰林南有石碑一魏明帝所立也  
題云苗茨之碑高祖於碑北作苗茨堂柰林西有都堂  
有流觴池堂東有扶桑海凡此諸海皆有石竇流於地  
下西通穀水東連陽渠亦與翟泉相連

城東明懸尼寺彭城武宣王總所立也在建春門外石樓南穀水周迴繞城至建春門外東入陽渠石橋橋有四柱在道南銘曰漢陽嘉四年將作大匠馬憲造孝昌三年大雨頽橋柱始埋沒道北二柱至今猶存寺東有中朝時常滿倉高祖令為租場天下貢賦所聚蓄也龍華寺宿衛羽林虎賁等所立也在建春門外陽渠南寺南有租場陽渠北有建陽里里有土臺高三丈上作二精舍趙逸云此臺是中朝旗亭也上有二層樓懸鼓

擊之以罷市

出建春門外一里餘至東石橋南北而行晉太康元年  
造橋南有中朝時牛馬市刑嵇康之所也橋北大道西  
有建陽里大道東有綏民里里有洛陽縣臨渠水綏  
民里東有崇義里崇義里東有七里橋以石為之中朝  
杜預之荊州出頓之所也七里橋東一里郭門開三道  
號為三門離別者多云相送三門外京師士子送去迎  
歸常在此處也

莊嚴寺在東陽門外一里御道北所謂東安里也北為租場里

秦太上君寺胡太后所立也在東陽門外二里御道北所謂暉文里當時太后正號崇訓母儀天下號父為秦太上公母為秦太上君為母追福因以名焉

正始寺百官等所立也正始中立因以為名在東陽門外御道南所謂敬義里也里內有典虞曹敬義里南有昭德里



平等寺廣武穆王懷捨宅所立也在青陽門外二里御

道北所謂孝敬里也

北史盧辯傳永熙二年平等浮圖成孝武會萬僧于寺石佛低舉其

頭終日乃止帝禮拜之辯曰石立社移自古有此陛下何怪

景寧寺太保司徒楊椿所立也在青陽門外三里御道  
南所謂景寧里也道北有孝義里里西北有蘇秦家家  
傍有寶明寺孝義里東即是洛陽小市市北有殖貨里  
城南景明寺宣武皇帝所立也景明年中立因以為名  
在宣陽門外一里御道東其寺東西南北方五百步前

望嵩山少室却負帝城正元年中太后造七級浮圖一

所

北史彭城王勰傳景明報德鳴鐘欲飯忽聞勰薨二寺一千餘人皆嗟痛為之不食但飲水而齋

大統寺在景明寺西所謂利民里

秦太上公二寺在景明寺南一里西寺太后所立東寺

皇姨所造並為父追福因以名之時人號為雙女寺並

門臨洛水林木扶疎寺東有靈臺一所基址雖頽猶高

五丈餘是漢光武所立靈臺東辟雍是魏武所立至正

光中造明堂於辟雍之西南上圓下方八牕四闔汝南

王復造執浮圖於靈臺之上

報德寺高祖孝文皇帝所立也為馮太后追福在開陽門三里開陽門御道東有漢國子學堂堂前有三種字石經二十五碑表裏刻之寫春秋尚書二部作篆科斗隸三種字漢石中郎蔡邕筆之遺跡也猶有十八碑餘皆殘毀復有石碑四十八枚亦表裏隸書武定四年大

將軍遷石經於鄴

洛陽記太學在洛陽城南開陽門外講堂長十大廣二文堂前石經四部

本碑凡四十六枚兩行尚書公羊傳十六碑存十二碑毀南行禮記十五碑悉崩壞東行論語三碑二碑毀禮

記碑上有諫議大夫  
馬日磾議郎蔡邕名

勸學里南有延賢里

宣陽門外四里至洛水上作浮橋所謂永橋也神龜中  
常景為汭頌南北兩岸有華表舉高二十丈華表上作  
鳳凰似欲翀天勢永橋以南園丘以北伊洛之間夾御  
道有四夷館道東有四館一名金陵二名燕然三名扶  
桑四名崦嵫道西有四館一曰歸正二曰歸德三曰慕  
化四曰慕義吳人投國者處金陵館三年以後賜第歸

正里北夷來附者處燕然館三年以後賜宅歸德里東夷來附者處扶桑館賜宅慕化里西夷來附者處崦嵫館賜宅慕義里是以慕化之民萬有餘家門巷修整閭闔闔填列青槐蔭陌綠柳垂庭天下難得之貨別立市於洛水南號曰四通市民間謂永橋寺永橋南東有白象獅子二坊

高陽王寺高陽王雍之宅也在津陽門外三里御道西寺北有中甘里

崇虛寺在城西即漢之躍龍淵也延熹九年桓帝祀老子於躍龍園設華蓋之座用郊天之樂此其地也城西白馬寺漢明帝所立也在西陽門外三里御道南帝夢金人長丈六項背日月光明胡人號曰佛遣使向西域求之乃得經象馬時白馬負經而來因以為名明帝崩起祇洹於陵上自此以後百姓冢上或作浮圖馬寶光寺在西陽門外御道北園中有一海號咸池普泰末雍州刺史隴西王爾朱天光總士馬於此寺寺門無何都

崩天光惡之其年戰敗斬於東市

出西門外四里御道南有洛陽大市周迴八里市東南有皇女臺漢大將軍梁冀所造猶高五丈餘景明中比丘道恒立靈仙寺於其上臺西有河陽縣市西北有土山魚池亦冀之所造即漢書所謂採土築山十里九坂以象二嶠者市東有通達貨二里里內之人盡皆工巧屠販為生資財巨萬市南有調音樂律二里里內之人絲竹謳歌天下妙伎出焉市西有退酤治觴二里里內

之人多醞酒為業市北有慈孝奉終二里里內之人以  
賣棺槨為業別有準財金肆二里富人在焉凡此十里  
多諸工商貨殖之民千金比屋層樓對出重門啟扇閣  
道交通迭相臨望自退酤以西張方溝以東南臨洛水  
北達芒山其間東西二里南北十五里並名為壽丘里  
皇帝所居也民間號為王子坊經河陰之役諸元殲盡  
五侯第宅多題為寺壽丘里間列刹相望

出閭闔門城外七里長分橋即漢之夕陽亭也中朝時



以穀水迅急注於城下多壞民家立石橋以限之長則  
分流入洛故名曰長分橋或云晉河間王在長安遣張  
方征長沙王營軍於此因號張方橋也未知孰是今民  
間語訛號為張夫人橋朝士送迎多在此處長分橋西  
有千金堰魏書崔亮為僕射奏於張方橋東堰穀水造  
水碾磨數十區其利十倍國用便之計其水利日益千  
金因以為名昔都水使者陳懿所造今備夫一千歲恒  
修之

城北禪虛寺在大夏門御道西寺前有閱武場歲終農  
隙甲士習戰千乘萬騎常在於此中朝時宣武場在大  
夏門東北今為光風園首蓄在焉

凝元寺在廣莫門外一里御道東所謂永平里也

城東北有上高里殷之頑民所居處也高祖名聞義里  
遷京之始朝士住其中迭相譏刺竟皆去之唯有造瓦  
者止其內京師瓦器出焉

京師東西二十里南北十五里戶十萬九千餘廟社宮

室府曹以外方三百步為一里里開四門門置里正二人吏四人門士八人合有二百二十里寺有一千三百六十七所天平元年遷都鄴城洛陽餘寺四百二十一所

歷代帝王宅京記卷十

欽定四庫全書

史部

歷代帝王宅京記卷十一至  
六

詳校官監察御史<sub>臣</sub>周元良

刑部郎中<sub>臣</sub>許兆椿覆勘

總校官編修<sub>臣</sub>倉聖脈

校對官中書<sub>臣</sub>王家賓

謄錄監生<sub>臣</sub>陸肇修

欽定四庫全書

歷代帝王宅京記卷十一

崑山顧炎武撰

洛陽四

後周

周書宣帝本紀曰大象元年春二月癸亥詔曰河陽之地世稱朝市上則於天陰陽所會下紀於地職貢路均聖人以萬物阜安乃建王國時經五代規歷千祀規模

弘遠邑居壯麗自魏氏失馭城闕為墟君子有戀舊之  
風小人深懷土之思我太祖受命豐鎬胥宇散函蕩定  
四方有懷光宅高祖神功聖畧混一區宇往巡東夏幾  
方觀俗布政此宮遂移氣序朕以眇身祇承寶祚庶幾  
聿修之志敢忘燕翼之心一昨駐蹕金墉備嘗遊覽百  
王制度基趾尚存今若因修為功易立宜令邦事修復  
舊都奢儉取文質之間功役依子來之義北瞻河內咫  
尺非遙前詔經營今宜停罷于是發山東諸州兵增一

月功為四十五日役起洛陽宮常役四萬人並移相州  
六府於洛陽稱東京六府

辛卯詔徙鄴城石經於洛陽

竇熾傳曰周宣營建東京以熾為京洛營作大監宮苑  
制度皆取決焉

帝好自矜奢飾非拒諫禪位之後彌復驕奢所居宮殿  
帷帳皆飾以金玉珠寶光華炫燿極麗窮奢及營洛陽  
宮雖未成畢其規模壯麗踰於漢魏遠矣

隋書樊叔略傳曰拜汴州刺史宣帝時營建東京以叔  
略有巧思拜營構監宮室制度皆叔略所定

靜帝本紀曰宣帝崩停洛陽宮作

隋

隋書煬帝本紀曰仁壽四年冬十一月癸丑詔曰乾道  
變化陰陽所以消息沿創不同生靈所以順叙若使天  
意不變施化何以成四時人事不易為政何以釐萬姓  
易不云乎通其變使民不倦變則通通則久有德則可



久有功則可大朕又聞之安安而能遷民用丕變是故  
姬邑兩周知武王之意殷人五徙成湯后之業洛邑自  
古之都王畿之內天地之所合陰陽之所和控以三河  
固以四塞水陸通貢賦等故漢祖曰吾行天下多矣唯  
見洛陽自古皇王何嘗不留意所不都者蓋有由焉或  
以九州未一或以因其府庫作洛之制所以未暇也我  
有隋之始便欲創茲日復一日越暨於今永懷先旨興  
言感哽朕肅膺寶歷纂臨萬邦遵而不失思奉先志今

者漢王諒悖逆毒被山東遂使州縣或淪非所此由關河懸遠兵不赴急加以并州移戶復在河南周遷殷民意在於此况復南服遐遠東夏殷大因機順動今也其時羣司百辟僉諧厥議但成周墟堦弗堪胥宇今可於伊洛營建東京便可設官分職以為民極夫宮室之制以便生人上棟下宇足蔽風露高臺廣屨豈曰適形故傳云儉德之共侈惡之大宣尼有言與其奢也寧儉豈謂瑤臺瓊室方為宮殿者乎土階采椽而非帝王者乎

是知非以天下奉一人乃以一人主天下也民惟邦本  
本固邦寧百姓不足君孰與足今所營構務從節儉無  
令雕牆峻宇復起於當今欲使卑宮菲食將貽於後世  
有司明為條格稱朕意焉

大業元年春三月丁未詔尚書令楊素納言楊達將作  
大匠宇文愷營建東京徙豫州郭下居民以實之又於  
阜澗營顯仁宮採海內奇禽異獸草木之類以實園苑  
徙天下富商大賈數萬家於東京

宇文愷傳曰遷都洛陽以愷為營東都副監尋遷將作大匠愷揣帝心在宏侈於是東京制度窮極壯麗帝大悅之

兩京記曰煬帝登北邙觀伊闕曰此龍門耶自古何為不建都於此蘇威曰以俟陛下大業元年自故都移於今所其地周之王城初謂東京改為東都

太平御覽曰煬帝遷洛陽於故周之王城即今東都城也

辛亥發河南諸郡男女百餘萬

北史作七百萬

開通濟渠自西

苑引穀洛水達於河自板渚引河通於淮

二年春正月辛酉東京成賜監督者有差

禮儀志曰既營建洛邑帝無心京師乃於東都固本里北起天經宮以遊高祖衣冠四時致祭

地理志曰河南郡舊置洛州大業元年移都改曰豫州東面三門北曰上春中曰建陽南曰永通南面二門東曰長夏正南曰建國里一百三市三

桃林縣有上陽宮

陝縣有弘農宮

宜陽縣有福昌宮

壽安縣有顯仁宮

唐

唐書高祖本紀曰武德四年冬十二月使行臺僕射屈突通焚乾元殿應天門紫微觀

太宗本紀曰貞觀四年夏六月己卯發卒治洛陽宮

資  
璉

傳曰為將作大匠修葺洛陽宮于宮中  
鑿池起山崇飾雕麗太宗令迺毀之

十一年春正月庚午作飛山宮秋七月壬寅廢明德宮

及飛山宮之元圃院賜遭水家

時大雨水  
穀洛溢

高宗本紀曰顯慶元年勅司農少卿田仁注因東都舊  
殿餘址修乾元殿高一百二十尺東西三百四十五尺  
南北一百七十六尺

二年冬十二月丁卯以洛陽宮為東都洛州官吏員品  
如雍州罷洛陽總監改青城宮為東都苑北面監明德

宮為東都苑南面監洛陽宮農圃監為東都苑東面監  
食貨監為東都苑西面監洛陽北市置官員准東西市  
隸大府寺

五年夏四月作八闕宮於東都苑內五月壬戌幸八闕  
宮改為合璧宮

秋九月改東明門為賓曜門西明門為宣耀門時韋弘機  
為司農少卿受詔檢校東都營田園苑之事帝謂之曰  
兩都是朕東西二宅也今之官館隋代所造歲序既淹



漸將頽毀欲有修造又費財力如何弘機奏曰臣任司農  
向已十年前後省費今見貯庫三千萬貫若以供葺理  
可不勞而就也帝大悅詔弘機兼統將作少府二司使漸  
營之於是弘機始造宿羽高山等宮并移洛水之中橋自  
立德之西街徙於長夏之通衢

韋機傳曰從立德坊  
曲徙于長夏門街

遂

廢利剎橋公私以為便及弘機遷職帝登洛水高岸有臨  
眺之美詔弘機於其所營上陽宮宮成移御之

帝御洛北陰殿尚書左僕射劉仁軌謂侍御史狄仁傑

曰古之陂池臺榭皆在深宮重城之內不欲外人見之恐傷百姓心也韋弘機之作列岸修廊在於堙堞之外萬方朝謁無不覲之此豈致君堯舜之意哉麟德二年

春二月辛未朝元殿成

洛陽宮正殿也

改應天門為則天門

應天

門武德四年焚之至是造成

調露元年春正月己酉上幸東都司農卿韋弘機作宿

羽高山上陽等宮

按六典宿羽高山二宮皆在東都禁苑中

制度壯麗上陽

宮臨洛水為長廊亘一里宮成上徙御之

夏五月戊戌作紫桂宮於澠池之西

永淳元年夏四月改紫桂宮為芳桂宮秋七月己亥作

奉天宮於嵩山南

宮在洛州  
嵩陽縣

弘道元年冬十二月丁巳遺詔廢萬泉芳桂奉天等宮

武后本紀曰光宅元年秋九月甲寅改東都為神都宮

名太初

垂拱四年春二月庚午毀乾元殿於其地作明堂以僧  
懷義為使凡役數萬人

冬十二月辛亥明堂成高二百九十四尺方三百尺凡三層下層法四時各隨方色中層法十二辰上為圓蓋九龍捧之上層法二十四氣亦為圓蓋上施鐵鳳高一丈飾以黃金中有巨木十圍上下通貫栝樞椽椳舊以為本下施鐵渠為辟雍之象號曰萬象神宮改河南為合官縣又命懷義作夾紵大像其小指中猶容數十人於明堂北起天堂五級以貯之至三級則俯視明堂矣懷義以功拜左威衛大將軍梁國公侍御史王求禮上

書曰古之明堂茅茨不翦采椽不斷今者飾以珠玉塗以丹青鐵鷲入雲金龍隱霧昔殷辛瓊臺夏癸瑤室無以加也太后不報

延載元年秋八月武三思帥四夷酋長請鑄銅鐵為天

樞立於端門之外

端門洛陽皇城正南門

銘紀功德黜唐頌周以

姚濤為督作使諸胡聚錢百萬億買銅鐵不能足賦民間農器以足之

天冊萬歲元年正月

夏正十一月

丙申夜天堂火延及明堂

比明皆盡命更造明堂天堂

藍書薛懷義傳有御醫沈天珍得幸懷義恩漸衰恨

怒頗甚乃焚天堂明堂並為灰燼則天媿而隱之於是又令懷義充使督作更造

又鑄銅為九

州鼎

神都鼎曰豫州高一丈八尺受千八百石冀州鼎曰武興雍州鼎曰長安兗州鼎曰日觀青州鼎曰

少陽徐州鼎曰車源揚州鼎曰江都荊州鼎曰江陵梁州鼎曰武都八州鼎高一丈八尺各受一千二百石

及十二都皆高一丈各置其方

夏四月戊寅天樞成

天樞其制若柱

高一百五尺八面各徑五

尺下為鐵山周一百七十尺以銅為蟠龍麒麟縈繞之

上為騰雲承露盤徑三丈四龍人立捧火珠高一丈工

人毛婆羅造模武三思為文刻百官及四夷酋長名太  
后自書其榜曰大周萬國頌德天樞

萬歲通天元年春三月丁巳新明堂成高二百九十四  
尺方三百尺規模率小於舊上施金塗鐵鳳高二丈後  
為大風所損更為銅火珠羣龍捧之號曰通天宮

神功元年夏四月戊辰九鼎成徙置通天宮豫州鼎高  
丈八尺受千八百石餘州高丈四尺受千二百石各圖  
山川物產於其上共用銅五十六萬七百餘斤太后欲

以黃金千兩塗之姚瑋曰九鼎神器貴於天質自然臣  
觀其五采煥炳相雜不待金色以為炫耀太后從之自  
玄武門曳入令宰相諸王帥南北牙宿衛兵十餘萬人  
并仗內大牛白象共曳之

久視元年春一月

夏正月

戊寅作三陽宮於告成之石淙

三陽宮去洛城一百六十里萬歲  
登封元年改洛州陽城縣曰告成

大足元年夏六月于東都立德坊南穿新潭安置諸州

租船



李昭德傳曰長壽中神都改作文昌臺及定鼎上東諸門又城外郭皆昭德創其制度時人以為能初都城洛水天津之東立德坊西南隅有中橋及利涉橋以通行李上元中司農卿韋弘機始移中橋置于安衆坊之左街當陽夏門都人甚以為便因廢利涉橋所省萬計然歲為洛水衝注常勞治葺昭德創意積石為脚銳其前以分水勢自是竟無漂損

長安四年春正月丁未毀三陽宮以其材作興泰宮於

萬安山

萬安山在洛州壽安縣西南四十里

元宗開元元年秋七月甲戌毀天樞

五年秋七月大常少卿王仁惠等奏則天立明堂不合古制又明堂尚質而窮極奢侈密邇宮掖人神雜擾甲子制復以明堂為乾元殿冬至元日受朝賀季秋大享復就園丘

詔曰古者操皇綱執大象者何嘗不上稽天道下順人極或變通以隨時爰損益以成務且衢室創制度堂以

筵因之以禮神是光孝享用之以布政蓋稱視朔先王所以厚人倫感天地者也少陽有位上帝斯歆此則神貴於不黷禮殷於至敬今之明堂俯臨宮掖比之嚴祀有異肅恭苟非憲章將何軌物由是禮官博士公卿大夫廣參羣議欽若前古宜存路寢之式用罷辟雍之號可改為乾元殿每臨御宜依正殿禮

十年冬十月復以乾元殿為明堂

十三年夏四月丙辰上與中書門下及禮官學士宴於

金少口人  
卷十一  
集仙殿上曰仙者憑虛之論朕所不取賢者濟禮之具

朕今與卿等合宴宜改名集賢

丁巳改集仙殿為集賢殿麗正殿書院改集賢

館書院

二十年夏四月癸巳改造天津橋毀皇津橋合為一橋  
二十七年冬十月詔將作大匠康訥詣東都毀則天所  
立明堂訥言則天時以木為瓦夾紵漆之毀之勞人奏  
請且拆上層卑於舊制九十五尺又去柱心木平座上  
置八角樓樓上有八龍騰身捧火珠又小於舊制圓五

尺覆以真瓦依舊為乾元殿十一月甲辰成

天寶二年冬十二月改應天門為乾元門

本則天門神龍元年三月

避天后號改為應天門唐隆元年七月避中宗號改為神龍門開元初又為應天門

代宗永泰元年冬十一月河南道都統黃門侍郎平章事王縉請修東京宮殿從之

王縉傳曰遷河南副元帥請減諸資錢四十萬貫修  
東京殿宇

武宗會昌五年秋八月宰相李德裕等奏東都太廟神

主二十六今貯於太微宮小屋請以廢寺材復修太廟  
九月詔修東都太廟

宣宗本紀曰會昌六年四月東都留守李石奏修奉  
太廟畢所迎奉太微宮神主祔廟訖東都太廟者本  
武后家廟神龍中中宗反正廢武氏廟主立太祖已  
下神主祔之安祿山臨洛陽以廟為馬廐棄其神主  
協律郎嚴郢收而藏之史思明再臨洛陽尋又散失  
賊平東官留守盧正已又募得之廟已焚毀乃寄主

於太微宮大厯十四年留守路嗣恭奏重修太廟奏  
迎神主詔百官參議紛然不定禮儀使顏真卿堅請  
歸祔不從會昌五年留守李石因太微宮正殿圯墜  
以廢宏敬寺為太廟迎神主祔之又下百僚皆言准  
故事無兩都俱置之禮惟禮部侍郎陳商議云周之  
文武有鎬洛二廟今兩都異廟可也然不宜置主於  
廟主宜依禮瘞於廟之北牖下事未行而武宗崩宣  
宗即位因詔有司迎太微宮寓主祔廢寺之新廟而

知禮者非之

昭宗天祐元年夏閏四月車駕遷於東都

昭宣帝天祐二年夏五月壬戌勅法駕遷都之始洛京  
再建之初慮懷土有類於新豐權更名以變于舊制今

則妖星既出於雍分

是年春正月彗星出北河貫文昌  
五月復出軒轅大角及于天市垣

高閔難倣於秦餘宜改舊門之名以壯卜年之永其京  
都見在門名與西京同者並改之於是改延喜門為宣  
仁門重明門為興教門長樂門為光政門光範門為應



天門乾化門為乾元門宣政門為敷政門宣政殿為貞  
觀殿日華門為左延福門月華門為右延福門萬壽門  
為萬春門積慶門為興善門含章門為膺福門含清門  
為延義門金鑾門為千秋門延和門為章善門保寧殿  
為文思殿

### 後梁

太祖開平元年夏四月戊辰改東都為西都  
五月以西都水北宅為大昌宮

三年春正月改西都貞觀殿為文明殿含元殿為朝元

殿

二月改思政殿為金鑾殿

後唐

莊宗同光元年冬十一月河南尹張全義請遷都洛陽

從之

通鑑考異曰實錄甲辰議修洛陽太廟案梁以汴州為東京洛京為西都莊宗以魏州為東京太原

為西京真定為北都及滅梁廢東京為汴州以永平軍為西京而不云以洛陽為何京若以為東京則與魏州

無以異諸書但謂之洛京亦未嘗有詔改梁西京為洛京至同光二年詔依舊以洛京為東都或者以永平為

西京時即改梁西京為洛京而史脫其文也今無可質對故但謂之洛陽

二年春正月丁未勅明堂殿偽梁改為乾元殿今復舊名改崇勳殿為中興殿應順門為永曜門太平門為萬春門通政門為廣政門鳳鳴門為韶和門萬春門為中興門解卸殿為端明殿

秋八月辛巳詔諸道節度觀察防禦團練刺史等并令於洛京修宅一區

三年夏四月壬寅重修嘉慶殿改為廣壽

帝苦溽暑於禁中擇高涼之所皆不稱旨宦者因言臣見長安全盛時大明興慶宮樓觀以百數今日宅家曾無避暑之所宮殿之盛曾不及當時公卿第舍耳帝乃命宮苑使王允平別建一樓以清暑宦者曰郭崇韜常不伸眉為孔謙論用度不足恐陛下雖用營繕終不可得上曰吾自用內府錢無關經費然猶慮崇韜諫遣中使語之曰今歲盛暑異常朕昔在河上與梁人相拒行營卑濕被甲乘馬親當矢石猶無此暑今居深宮之中

而暑不可度奈何對曰陛下昔在河上勅敵未滅深慮  
讐恥雖有盛暑不介聖懷今外患已除海內賓服故雖  
珍臺間館猶覺鬱蒸也陛下倘不忘艱難之時則暑氣  
自消矣帝默然宦者曰崇韜之第無異皇居宜其不知  
至尊之熱也帝卒命允平營樓日後萬人崇韜諫曰今  
兩河水旱軍食不充願且息役以俟豐年帝不聽

秋八月毀京城南北壘光啟末張全義為河南尹為蔡  
賊所攻乃於南市築壘自固又於南市嘉善坊別築南

城天復修都之際元未毀撤至是左補闕楊途奏毀之  
冊府元龜曰後唐天成四年八月乙丑左補闕楊途  
奏竊見京城之內尚有南州北州縱市井不可改移  
城池即宜毀伏見都城舊牆多已摧塌不可使浩穰  
神京旁通綠野徘徊壁壘俯近皇居無復因循亟宜  
修葺初光啟末張全義為河南尹為蔡賊所攻乃于  
南市一方之地築壘自固後延于市南又築嘉善坊  
為南城天復修都之際元未毀撤途之所奏頗適事

宜

庚中新作興教門樓

門蓋昭宗所改郭從謙之變亂兵焚興教門

明宗長興四年夏六月名宮西新園曰永芳園新殿曰和慶殿

後晉

晉高祖天福二年春正月丙寅改中興殿為天福殿中興門為天福門

秋七月改元德殿為廣政殿元德門為廣政門

冬十一月改洛京潛龍宅為廣德宮

通鑑天福三年六月河南留守高行周奏修洛陽宮

左諫議大夫薛融諫曰今宮室雖經焚毀猶侈於帝  
堯之茅茨所費雖寡猶多於漢文之露臺况魏城未

下時范延光  
據魏州公私困窘誠非陛下備官館之日俟海

內平寧營之未晚上納其言仍賜詔褒之

七年春閏三月改宣明門為朱鳳門武德殿為視德殿  
文思殿為崇德殿畫堂為太清殿寢殿為乾福殿其門



悉徙殿名改皇城四門名南曰乾明北曰元德東曰萬  
春西曰千秋

後周

周世宗顯德元年秋七月西京留守武行德葺洛陽羅  
城

隋書里一百三市三

桃林縣有上陽宮

陝縣有弘農宮

宜陽縣有福昌宮

壽安縣有顯仁宮

煬帝紀曰于阜澗營顯仁宮採海內奇禽異獸草木之類以實園苑

唐書地理志曰東都隋置武德四年廢其年十一月改東都六年九月改洛州貞觀六年號洛陽宮顯慶二年

曰東都十二月十三日下邳光宅元年曰神都九月五日神龍元年復

曰東都二月十五日天寶元年曰東京二月二十日開元二年十二

月一日改為河南府上元二年罷京

九月二十日

肅宗元年

復皇城長千八百一十七步廣千三百七十八步周四千九百三十步其崇三丈七尺曲折以象南宮垣名曰太微城宮城在皇城北長千六百二十步廣八百有五步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前值伊闕後據中山左瀝右澗洛水貫其中以象河漢

東西五千六百一十步南北五千四百七十步西連苑北自東城而東二千五百四十步周二萬五千五十步其崇丈有八尺武后號曰金城

河南府澠池縣西五里有紫桂宮儀鳳二年置調露二年曰避暑宮永淳元年曰芳桂宮弘道元年廢

福昌縣西十七里有蘭昌宮有故隋福昌宮顯慶三年復置

永寧縣西五里有崎岫宮西三十三里有蘭峰宮皆顯

慶三年置

壽安縣西一十九里有連昌宮顯慶三年置西南四十里萬安山有興泰宮長安四年置

汝州臨汝縣有清暑宮在鳴臯山南貞觀中置東都城左成臯右函谷前伊闕後邙山南面三門中曰定鼎左曰長安右曰厚載東面三門中曰建春南曰永通北曰

上東北面二門東曰安喜西曰徽安

都城隋煬帝大業元年詔左僕射楊

素右庶子宇文愷移故都創造也南直洛水之口北倚南山之蹇東出湓水之東西出澗水之西洛水貫都有

河漢之象馬東去故都十八里煬帝既好奢靡愷又多  
奇巧遂作重樓曲閣連園洞房綺繡瑰竒窮巧極麗大  
業末喪亂為王世充所據武德五年平充乃詔焚乾隆  
殿及建國門廢東都以為洛州總管府尋以官城倉猶  
在乃置陝東道大行臺武德九年復為洛州都督府貞  
觀六年改為洛陽宮十二年車駕始幸洛陽明慶元年  
復置為東都龍朔中詔司農少卿田仁主隨事修葺後  
又命司農少卿韋機更加營繕永昌中遂改為神都漸  
加營構宮室百司市里郭郭于是備矣東面十五里二  
百一十步南面十五里七十步西南連苑距上陽宮七  
里郭南廣北狹凡一百三坊三市居其中焉開元十  
二年廢西市取厚載門之西一坊地及西市入苑西

連禁苑苑西四門南曰迎秋次曰遊義次曰籠烟北曰  
靈溪皇城在都城之西北隅南面三門中曰端門左曰

左掖門右曰右掖門東面一門曰賓曜南曰麗景北曰宣耀東城在皇城之東東曰宣仁門南曰承福門皇城

在東城之內百僚廨署如京城之制皇宮在皇城之北

東西四里一百八十步南北二里八十五步周回十三里二百四十一步南面三門中曰應

天左曰興教右曰光政應天門端門若西京承天之門其內曰乾元門

若西京之太極門東廊有左延福門西廊有右延福門興教之內曰會昌其北曰

童善光政之內曰廣運其北曰明福乾元之左曰萬春

右曰千秋其內曰朝元殿則明堂也證聖元年營造上圓下方八牕四闈高三尺元

正冬至有時而御馬殿之左曰春暉門右曰秋闕門北曰燭龍門

明福之東曰武成門其內曰武成殿明福之西曰崇賢

門其內集賢殿武成之北曰德壽殿集賢之北曰仙居

殿其東曰億歲殿又東曰明同殿其內又有觀禮歸義  
收成光慶等門延祥

延壽觀文六合等殿宜春  
仙居迎祥六合等院也其西北出曰洛城西門其內

曰德昌殿北曰儀鸞殿德昌南出延慶門又南曰韶暉

門西南曰洛城南門其內曰洛城殿又北曰飲羽殿洛城

南門之西有麗景夾城  
自此潛通于上陽焉上陽宮在皇城之西南苑之東  
垂也南



臨洛水距穀水東面即皇城右掖門之南上  
元中營造高宗晚年嘗居北宮以聽政焉 東面三門

南曰提象門即正街門北曰星躔門提象門內曰觀風門南

曰浴日樓北曰七寶閣其內曰觀風殿殿東面其內又有麗春臺報堂

亭九州其西則有西上陽宮兩宮夾殿水虹橋以通往來北曰化成院

西南曰甘露殿殿東曰雙曜亭又西曰麟趾殿東曰神

和亭西曰洞元堂觀風之西曰本枝院又西曰麗春殿

東曰含蓮亭西曰芙蓉亭又西曰宜男亭北曰芬芳門

其內曰芬芳殿又有露菊亭互春妃嬪仙行水井等院散布其內宮之南面曰

仙落門又西曰通仙門

並在院中

其內曰甘湯院次北東上

曰玉京門門內北曰金闕門南曰泰初門玉堂之西曰

客省院蔭殿翰林院又西曰上陽宮宮西曰含露門玉

京西北出曰仙桃門又西曰壽昌門門北出曰元武門

門內之東曰飛龍廐禁苑在皇城之西北距北邙西至

孝水南帶洛水支渠穀洛二水會于其門

東面十七里南面二十九

里西面五十里北面二十里周四百二十六里中有合壁冷泉高山龍麟翠微宿羽明德望春青城黃女凌波十有一宮芳樹金谷二亭凝碧之池開元二十四年上以為穀洛二水或泛溢疲費人工遂救河南尹李適

之出內庫和雀修三陂以禦之一曰積翠二  
曰月陂三曰上陽爾後二水無力役之患 京都之制

備焉

五代史職方考曰洛陽梁唐晉逮漢周常以為都唐故  
為東都梁為西都後唐為洛京晉為西京漢周因之

羅紹威傳曰梁太祖即位將都洛陽紹威取魏良材為  
五鳳樓朝元前殿浮河而上立之京師

地理通釋京城周四十二里大內據京城之西北宋  
史地理志曰西京唐顯慶間為東都開元改河南府宋

為西京山陵在馬宮城周回九里三百步城南三門中

曰五鳳樓東曰興教西曰光政

因隋唐舊名

東一門曰蒼龍

西一門曰金虎北一門曰拱宸

舊名元武大中祥符五年改

五鳳樓

曰東西門曰左右永泰門外道北有鸞和門

太平興國三年以車

輅院門改

右永泰門西有永福門興教光政門內各三門曰

左右安禮左右興善左右銀臺蒼龍金虎門內第二隔

門曰膺福千秋膺福門內道北曰建禮正殿曰太極

舊名

明堂太平興國二年改

殿前有日月樓日華月華門又有三門曰

太極殿門後有殿曰天興次北殿曰武德西有門三重  
曰應天乾元敷教內有文明殿旁有東上閣門西上閣  
門前有左右延福門後有殿曰垂拱殿北有通天門柱  
廊北有明福門門內有天福殿殿北有寢殿曰太清第  
二殿曰思政第三殿曰延春東又有廣壽殿視朝之所  
也北第二殿曰明德第三殿曰天和第四殿曰崇徽天  
福殿西有金鑾殿對殿南廊有彰善門殿北第二殿曰  
壽昌第三殿曰玉華第四殿曰長壽第五殿曰甘露第

六殿曰乾陽第七殿曰善興西有射弓殿千秋門內有  
含光殿拱宸門內西偏有保寧門門內有講武殿北又  
有殿相對內園有長春殿淑景亭十字亭九江池砌臺  
娑羅亭宮城東西有夾城各三里餘東二門南曰賓暉  
北曰啟明西二門南曰金曜北曰乾通宮室合九千九  
百九十餘區

夾城內及內城北  
皆左右禁軍所處

皇城周回十八里二百

五十八步南面三門中曰端門東西曰左右掖門東一

門曰宣仁西三門南曰麗景與金曜相直中曰開化與

乾通相直北曰應福內皆諸司處之京城周五十二里

九十六步

隋大業元年築唐長壽四年增築

南三門中曰定鼎東曰長

夏西曰厚載東三門中曰羅門南曰建春北曰上東西

一門曰闕門北二門東曰安善西曰徽安

政和元年十一月重修大

內至六年九月畢工朱勝非言政和間議朝謁諸陵勅有司預為西幸之備以蔡攸妻兄朱昇為京西都漕修治西京大內合屋殿千間盡以瑛珠為飾工役甚大為費不貲而漆飾之法須骨化為地科買督迫灰價日增一斤至數千于是四郊冢墓悉被發掘取人骨以為灰矣

宋昇傳曰為西京都轉運使莅葺西官方是時徽宗議

謁諸陵有司預為西幸之備昇治宮城廣袤十六里創  
廊屋四百四十餘間

歷代帝王宅京記卷十一



欽定四庫全書

歷代帝王宅京記卷十二

崑山顧炎武撰

南陽

缺

成都

漢

三國志蜀先主傳曰建安二十六年夏四月丙午即皇

帝位於成都武擔之南

蜀本紀曰成都  
有丈夫化為女  
子顏色美好蓋  
山精也蜀王安

以為妻不習水土疾病欲歸國蜀王留之無幾物故蜀王發卒之成都擔土于成都郭中築蓋地數畝高七丈

號曰武擔也

諸葛亮傳曰先主詣亮屏人曰漢室傾頽姦臣竊命主上蒙塵孤不度德量力欲信大義於天下而智術淺短遂用猖獗至於今日然志猶未已君謂計將安出亮曰自董卓以來豪傑並起跨州連郡者不可勝數曹操比於袁紹則名微而眾寡然操遂能克紹以弱為強者非惟天時抑亦人謀也今操已擁百萬之眾挾天子以令

諸侯此誠不可與爭鋒孫權據有江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不存恤智能之士思得明君將軍既帝室之胄信義著於四海總攬英雄思賢如渴若跨有荊益保其巖阻西和諸戎南撫夷越外結好孫

權內修政理天下有變則命一上將將荊州之軍以向宛洛將軍身率益州之衆以出秦川百姓孰敢不箠食壺漿以迎將軍者乎誠如是則霸業可成漢室可興矣先主曰善

晉

晉書李壽載記曰壽廣葺宮室引水入城又廣太學起  
燕殿

唐

唐書肅宗本紀曰至德二載冬十二月戊午詔曰頃者  
上皇在蜀朕亦居岐其以蜀郡為成都府號南京鳳翔  
府為西京西京為中京府尹以下秩同京兆

地理志曰成都府益州至德二載曰南京為府

十二月十五日

上元元年罷京

九月七日

五代史前蜀世家曰王衍起宣華苑苑有重光太清延  
昌會真之殿清和迎仙之宮降真蓬萊丹霞之亭飛鸞  
之閣瑞獸之門又作怡神亭與諸狎客婦人日夜酣飲

歷代帝王宅京記卷十二

欽定四庫全書

歷代帝王宅京記卷十三

崑山顧炎武撰

鄴

魏

三國志魏太祖本紀曰漢建安十三年春正月作玄武池以肄舟師

十五年冬作銅爵臺

十八年秋九月作金虎臺鑿渠引漳水入舊溝以通  
宗書禮志曰建安二十二年魏國作泮宮於鄴城南  
又曰建安十八年七月始建宗廟於鄴

後趙

晉書載記曰石勒令少府任汪都水使者張漸等監營  
鄴宮

石虎使牙門將張彌徙洛陽鐘簾九龍翁仲銅駝飛廉  
於鄴一鐘沒於河募浮沒三百人入河繫以竹繩牛百



頭鹿樞引之乃出造萬斛舟以渡之以四輪纏輜車轍  
廣四尺深二尺運至鄴

又納解飛之說於鄴正南投石於河以起飛橋功費數  
千億萬橋竟不成役人饑甚乃止

虎於襄國起太武殿於鄴造東西宮太武殿高二丈八  
尺以文石絳之下穿伏室置衛士五百人於其中東西七  
十五步南北六十五步皆漆瓦金鐙銀楹金桂珠簾玉  
壁窮極奇巧又起靈風臺九殿于顯陽殿後選士庶之

女以充之

虎盛興宮室於鄴起臺觀四十餘所營長安洛陽二宮  
作者四十餘萬人

虎使尚書張羣發近郡男女十六萬車十萬乘運土築  
華林苑及長牆於鄴北廣長數十里以燭夜作起三觀  
四門三門通漳水皆為鐵扉暴風大雨死者數萬人鑿  
北城引水於華林園城崩壓死百餘人

五行志曰石季龍鄴城鳳陽門上金鳳凰二頭飛入漳

河

燕

晉書載記曰慕容儁自薊遷於鄴繕修宮殿復銅雀臺  
慕容垂克鄴以鄴城廣難固築鳳陽門大道之東為越  
城

後魏

宋書魯秀傳曰或告拓跋燾鄴民欲據城反遣秀檢察  
并燒石虎殘宮殿

魏書高祖本紀曰太和十七年冬十月癸卯幸鄴城初  
帝之南伐也起宮殿於鄴西十一月癸亥宮成

十八年春正月丁未朔朝羣臣於鄴宮澄鸞殿

崔光傳曰孝文經鄴登銅雀臺崔光曰鄴城平原千里  
漕運四通有西門史起遺跡可以饒富請都之孝文曰  
鄴城非長久之地石虎傾於前慕容滅於後國富主奢  
暴成速敗且西有枉人山東有列人縣北有栢人城君  
子不飲盜泉惡其名也

張熠傳曰天平初遷鄴草創右僕射高隆之吏部尚書  
元世儁奏曰南京宮殿毀撤送都連筏竟河首尾大至  
自非賢明一人專委受納則恐材木耗損有闕經構熠  
清貞素著有稱一時臣等輒舉為大將詔從之

孝靜帝本紀曰天平元年冬十一月庚寅車駕至鄴居  
北城相州之殿改相州刺史為司州牧魏郡太守為魏  
尹徙鄴舊人西經百里以居新遷之人分鄴置臨漳縣  
以魏郡林慮廣平陽丘汲郡黎陽東濮陽清河廣宗等

郡為皇畿

閏十二月初置四中郎將於礪石橋置東中蒲泉置西  
中濟北置南中洛水置北中

二年秋八月甲午發衆七萬六千人營新宮

北齊書辛術傳曰解褐司空胄曹參軍與僕射高隆之  
共典營構鄴都宮室術有思理百工克濟

高隆之傳曰為尚書令右僕射領營構京邑制度莫不  
由之增築南城周四二十五里以漳水近於帝城起長

隄以防汎溢之患又鑿渠引漳水周流城郭造治礮磴並有利於時

魏書李業興傳曰遷都之始起部郎中辛術奏曰今皇居徙都百度創始營構一興必宜中制上則憲章前代下則模寫洛京今鄴都雖舊基址毀滅又圖記參差事宜審定臣雖膺職司學不稽古通直散騎常侍李業興碩學通儒博聞多識千門萬戶所宜訪詢今求就之披圖案記考定是非參古雜今折中為制名畫工并所頒

調度具造新圖申奏取定庶經始之日執事無疑詔從之

四年夏四月辛未遷七帝神主入新廟

興和元年秋九月甲子發畿內民夫十萬人城鄴城四十日罷

冬十一月新宮成

二年春正月丁丑御新宮

武定四年秋八月移洛陽漢魏石經於鄴



地理志曰司州治鄴城太祖天興四年置相州天平元年遷都改

魏尹天平初改

鄴二漢晉屬天平初併蕩陰安陽屬之蕩陰太和中置關今罷有西門豹祠武城牖里城蕩城石竇堰有南部右部西部天平中決漳水為萬金渠今世號天平渠

齊

北齊書文宣帝本紀曰天保元年秋八月詔文襄皇帝

所運蔡邕石經五十二枚移置學館依次修立

二年秋七月己卯改顯陽殿為昭陽殿

冬十月戊申起宣光建始嘉福仁壽諸殿

七年夏四月丁卯造金華殿

是年修廣三臺宮殿

九年秋八月先是發丁匠三十餘萬營三臺於鄴下因其舊基而高博之大起宮室及遊豫園至是三臺成改銅雀曰金鳳金虎曰聖應水井曰崇光冬十一月甲午

帝至自晉陽登三臺御乾象殿朝讌羣臣並命賦詩  
武成帝本紀曰河清二年夏五月壬午詔以城南雙堂  
閨位之苑迴造大總持寺秋八月辛丑詔以三臺宮為  
大興聖寺

後主本紀曰天統二年春三月乙巳太上皇帝詔以三  
臺施聖興寺

三年春正月鄴宮九龍災延燒西廊

四年夏四月辛未鄴宮昭陽殿災及宣光瑤華等殿

五年春正月辛亥詔以金鳳等三臺未入寺者施大興  
聖寺

帝承武成之奢麗以為帝王當然乃更增益宮苑造偃  
武修文臺其嬪嬙諸院中起鏡殿寶殿瑋瑁殿丹青彫  
刻妙極當時所愛不恒數毀而又復夜則以火照作寒  
則以湯為泥百工困窮無時休息

后妃傳曰後主為曹昭儀別起隆基堂極為綺麗

隋書食貨志曰天統中毀東宮造修文偃武隆基嬪嬙

諸院起玳瑁樓又于遊豫園穿池周以列館中起三山  
構臺以象滄海并大修佛寺勞役巨萬

後周

周書武帝本紀曰建德六年正月辛丑詔曰偽齊叛渙  
竊有漳濱世縱淫風事窮彫飾或穿池運石為山學海  
或層臺累構概日凌雲以暴亂之心極奢侈之事有一  
於此未或弗亡朕菲食薄衣以弘風教追念生民之費  
尚想力役之勞方當易茲弊俗率歸節儉其東山南園

及三臺可並毀撤瓦木諸物凡入用者盡賜下民山園之田各還本主

靜帝本紀曰大象二年秋八月移相州於安陽其鄴城

及邑居皆毀廢之

時初平尉遲迥

水經注曰鄴本齊桓公所置也故管子曰築五鹿中牟鄴以衛諸夏也後屬晉魏文帝七年始封此地故曰魏也漢高帝十二年置魏郡治鄴縣王莽更名魏城後分魏郡置東西部都尉故曰三魏魏武又引漳流自城南

東入逕銅雀臺下伏流入城東注謂之長明溝也渠水  
又南逕止東門下魏武封於鄴為北宮宮有文昌殿溝  
水南北夾道枝流引灌所在通漑東出石竇下注之湟  
水故魏武登臺賦曰引長明灌街里謂此渠也石氏於  
文昌故殿處造東西太武二殿於濟北穀城之山採文  
石為基一基下五百武直宿衛屈柱屈柱似是  
屋柱之偽跌瓦悉  
鑄銅為之金漆圖飾焉又取長安銅人置諸宮前以華  
國也城之西北有三臺皆因城為之基巍然崇舉其高

若山建安十五年魏武所起其中曰銅雀臺高十丈有屋百餘間臺成命諸子登之並使為賦陳思王下筆成章美絕當時亦魏武望奉常王叔治之處也昔嚴才與屬攻掖門修聞變車馬未至便將官屬步至宮門太祖在銅雀臺望見之曰彼來者必王叔治也石虎更增二丈立一屋連棟接檐彌覆其上盤迴隔之名曰命子窰又於屋上起五層樓高十五丈去地二十七丈又作銅雀於樓巔舒翼若飛南則金雀臺高八丈有屋一百九



間北曰冰井臺亦高八丈有屋一百四十間上有冰室  
室有數井井深十五丈藏冰及石墨焉石墨可書又然  
之難盡亦謂之石炭又有粟窖及監監疑作鹽以備不虞今

窖上猶有石銘存焉左思魏都賦曰三臺列峙而崢嶸  
者也城有七門南曰鳳陽門中曰中陽門次曰廣陽門  
東曰建春門北曰廣德門次曰旃門西曰西明門一曰  
白門鳳陽門三臺洞開高三十五丈石氏作層觀架其  
上置銅鳳頭高一丈六尺東城上石氏立東明觀上加

金博山謂之鏘矢北城上有齊斗樓超出羣榭孤高特立其城東西七里南北五里飾表以埽百步一樓凡諸宮殿門臺隅雉皆加觀榭層疊反宇飛檐拂雲圖以丹青色以輕素當其全盛之時去鄴六七十里遠望茗亭魏若仙居魏因漢祚復都洛陽以譙為先人本國許昌為漢之所居長安為西京之遺跡鄴為王業之本基故號五都也今相州刺史及魏郡治漳水自西門豹祠北逕趙閱馬臺西基高五丈列觀其上石虎每講武於其

下升觀以望之虎自於臺上放鳴鏑之矢以為軍騎出入之節矣漳水又北逕祭陌西戰國之世俗巫為河伯娶婦祭於此陌魏文侯時西門豹為鄴令約諸三老曰為河伯娶婦幸來告知吾欲送女皆曰諾至時三老廷掾賦斂百姓取錢百萬巫覡行里中有好女者云是當為河伯婦以錢三萬聘女沐浴脂粉如嫁狀豹往會之三老巫掾與民咸赴觀巫嫗年七十從十女弟子豹呼婦視之以為非妙令巫嫗入報河伯投巫于河中有頃

曰何久也又令三弟子及三老入白並投於河豹磬折  
曰三老不來奈何復欲使廷掾豪長趨之皆叩頭流血  
乞不為河伯娶婦淫祀雖斷地留祭陌之稱焉又慕容  
儁投石虎尸處也田瑩以為紫陌也趙建武十一年造  
紫陌浮橋于水上為佛圖澄先造生墓於紫陌建武十  
五年卒十一月葬焉即此處也漳水又對趙氏臨漳宮  
宮在桑梓苑多桑木故苑有其名三月三日及始蠶之  
月虎帥皇后及夫人採桑於此今地有遺桑墉無尺雉

矣

鄴都北城

在鎮東南一里半東西七里南北五里齊桓公所築漢置魏郡作都始于曹操水經注曰

石虎城盡表飾以百步一樓凡誌宮殿門臺隅雉皆加觀榭層甍峻宇飛檐拂雲圍以丹青色以輕素去鄴六  
七十里遠望巍若仙居也符堅末慕容垂叛欲取鄴都  
乃攻堅子丕拔其外郭丕因守中城垂墮漳水灌之晉  
將劉牢之來救遂撤鄴圍丕亦棄鄴奔并州垂將慕容  
農追師入鄴以城廣難固乃築鳳陽門大道東為隅城  
自是鄴都殘毀高凡七門南面三面正南曰永陽門北  
歡所以築南城也

端門文

東曰廣陽門

在永陽門之東北直司馬門

西曰鳳陽門

在永陽門

西北直九華宮三門皆曹魏所建石虎建九華宮乃特  
崇飾此門考水經蓋高二十五丈作層觀于其上又于

樓置二銅鳳頭高一丈六尺窮高極奢盡天下巧久之樓巔銅鳳一飛入漳水餘其一以鉄索絆之鄴中諺曰

鳳陽門樓天上有篤鳳相呼喚欲去不去鉄索絆晉書載紀曰建元初白虹出自大社經鳳陽門東南連天十

餘刻乃滅李龍惡之于是閉鳳陽門東面一門曰建春惟元日乃開尉遲迥之敗鄴城為墟

門西面一門曰金明門水經注一北門二門東曰廣德

門西曰旣門四門亦皆曹魏所建

### 右城門

宮室北城宮室建自曹魏題榜皆梁鵠書晉泰始初魏元帝禪位後館于此晉懷帝光熙元年夏五月馬

牧帥汲桑反陷鄴城大火鄴宮至石勒復將營之以廷尉續咸尚書令徐光切諫而止其意未已後因大雨中

山西北暴水流巨大木百餘萬根集于堂陽勒大悅謂公卿曰諸君知不此非為災也天意欲吾營鄴都爾于是

令都水使者張漸少府任汪等監營勒親授規模後石虎遷都遂極侈盛石遵後兵火繼作宮室臺觀半或殘

毀故載記言慕容儁自薊城都鄴繕修宮殿復銅雀臺異代改更歷年彌多是以魏趙之制紛然觀雜今總取

而記之具有傳其名而不端門文昌殿前正門蓋凡得其地者附見于後云

春門東建此門延秋門端門外西北建此門左太冲魏都賦曰巖巖北闕南緯通遵竦峭

雙竭方駕北輪西闕延秋東止車門在端門文東上東

門西上東門二門在文昌殿前魏都賦注云直端門之前南當止車門又有東西上東門賈宜疏

曰擇良日立諸子洛陽上東門外則漢已有之李尤銘曰上東少陽殿位在寅條風動物日月孟春司馬

門在端門東北直德政殿史記注曰凡言司馬門者宮垣之內兵衛所在四面皆司馬立武事總言之外門

為司馬東掖門在司馬門東漢置內至禁省為殿門外

門也出大道為掖門應邵曰掖者言在司馬

門之旁顯陽門南直司宣朗門南直顯崇禮門在升賢

掖也顯陽門南直司宣朗門南直顯崇禮門在升賢

順德門在升賢門前升賢門在聽政聽政門南直升賢

政外朝文昌殿曹魏建南直端門天子朝會賓客享羣

丙申龍次大火五月丙寅作麤賓鐘又作無射鐘左太

冲賦文昌殿曰長庚砥平鐘虞夾陳風無纖埃兩無微

津魏文帝槐賦序曰文昌殿中槐樹成暑之時余鐘樓

數遊其上下王祭直登賢門小閣外亦有槐樹

鼓樓二樓在文昌太武殿水經注曰石虎于文昌故殿

殿前東西

處造東西太武兩殿今考晉



書載記虎燕享羣臣遵借即偽位皆太武蓋朝會正殿也魏宮殿焚蛟于汲桑故石虎于文昌故殿之處作太武殿復于其後作東西二殿故有東堂西堂東閣西閣其皆宮廢便殿之名與虎作太武殿基高二丈八尺東西七十步南北六十五步以齊北穀城山文石砌之下穿伏室置衛士五百人屋皆漆瓦金鏤銀楹金柱柱跌亦鑄銅為之珠簾玉壁牕戶宛轉畫作雲氣復施流蘇之帳白玉之牀黃金蓮花見于帳頂以五色綿編蒲心而為薦席又作金龍頭吐酒于殿東廂口下安金樽可容五十斛于大官置地道百餘步酒入龍脚出口中以供正會又以郡國所送蒼麟十六白鹿七命司農張昌柱調之以駕芝蓋列于充庭之乘造庭燎于崇杠之末高千餘尺上盤置燎下盤置火線繳上下太武東堂西堂晉書曰虎幽太子之引見于太武東堂東閣石遵以兵入誅石世張豺升或曰即東西二殿也東閣于太武前殿踣盡哀退如

東閣蓋閣 西閣 晉書載記曰李龍臨于西門龍騰將軍  
在殿後 中郎二百餘人列拜於前欲令燕王斌

入宿衛典兵馬蓋閣 御龍觀 石虎建于太武殿之宮中  
亦在太武前殿後 鄴中記云登其上觀瞻宮

闕皆如意其後冉閔使兵 披雲樓 石虎建在御龍觀北  
守石鑿于其上懸食給之 鄴中記云道遠樓有

披雲樓南連殿闕北矚城池繡欄凌 內朝聽政殿 曹魏  
雲彤梁接露故曰披雲蓋言其長也 建在

文昌殿東魏都賦曰左則中朝有聽聽政作寢匪撲匪  
斷去泰去甚木無雕鏤土無絳錦元化所甄國風所稟

李善曰中朝者內朝也漢制大司馬侍中散 聽政闈納  
騎諸吏為中朝丞相六百石以下為外朝也 並

言闈尚書臺升賢署謁者臺閣御史臺閣丞相諸曹 並

司馬門內聽政門外魏都賦曰禁臺省中連闈對廊直  
事所由典刑所藏藹藹列侍金貂齊光詰朝陪帳納言

有章亞以柱後執法內侍符節詔者典壘儲吏膳夫有  
官藥劑有司有驛順時膝理則治注曰升賢門內有聽  
政闈闈外東入有納言闈尚書臺宣明門內升賢門外  
東入有升賢署顯陽門內宣明門外東入最南有詔者  
臺閣次中央符節臺閣次北御史臺後宮鳴鶴堂文石  
閣並列西向符節臺東有丞相諸曹  
室楸梓坊木蘭坊皆在聽政殿後魏都賦曰于後則楸  
乙西南其戶成之匪日丹書煥炳特有溫室儀形宇宙  
歷像賢聖圖以百端絳以蒸詠李善曰壺宮中巷也街  
道也鳴鶴堂之前在聽政殿之後東西二坊之間有溫  
室溫室中有畫像永巷掖庭之別名甲乙謂次舍之名  
以甲乙銅爵園園在文昌殿西中有魚池堂皇蘭渚石  
紀之也瀨左右有馳道西有三臺並曹魏所作  
李善曰湔湔湔也水激石間則怒而成湔魏都賦曰右  
則蔬圃曲池下畹高堂蘭渚莓莓石瀨湯湯弱菱像寶

輕葉振芳奔龜躍魚有際呂梁馳銅爵臺

在銅爵園西案魏志曹公

建安十五年築臺之新成也公將諸子登之使各為賦陳思王援筆立就其略曰從明后而嬉遊兮登層臺以娛情見太府之廣開兮觀聖德之所營建高門之嵯峨兮浮雙闕乎太清立中天之華觀兮連飛閣乎西城臨漳水之長流兮望園果之滋榮仰春風之和穆兮聽百鳥之悲鳴天雲恒其既立兮家願得而獲逞揚仁化于宇內兮盡肅恭于上京惟桓文之為盛兮豈足方乎聖明休矣美矣惠澤遠揚翼佐我皇家兮寧彼四方同天地之矩量兮齊日月之輝光永貴尊而無極兮等年壽于東皇魏都賦曰飛陛方輦而經西三臺列峙以崢嶸亢陽臺於陰基擬華山之削成上累棟而重雷下水室而泓溟周軒中天丹墀臨森增構峩峩清塵影影雲鶴躑躅而矯首壯翼搞鏗于青霄雷雨杳冥而未半曦日籠光于綺寮習步頓以升降御春服而逍遙八極可圓

于寸眸萬物  
可齊于一朝  
金鳳臺  
在銅雀臺南曹公建安十八年建  
魏志本曰金虎臺而鄴中記云自

魏至後趙前燕及東魏北齊三臺每加修整甚于魏武  
初造之時又安金鳳于臺巔故號曰金鳳然則改虎為

鳳豈後趙時避  
石虎諱故耶  
水井臺  
在銅雀臺北建安十八年曹操  
既築金虎臺明年復築此臺以

有凌室故曰水井魏都賦注曰銅雀園西有三臺中央  
曰銅雀臺南則金鳳臺北則水井臺銅雀臺有屋一百

一間金鳳臺有屋一百九間水井臺有屋一百四十五  
間上有水室三臺與法殿皆以閣道相通水經注曰城

西北有三臺皆因城為基魏魏崇舉其高若山建安十  
五年魏武所起其中曰銅雀臺高十丈有屋百餘間魏

武望奉常王叔治之處也後石虎更增二丈立一屋連棟  
接椽彌覆其上盤回隔之名曰命子窟又于屋上起五

層樓高十五丈去地二十七丈又作銅雀于樓頭高一  
大五尺舒翼若飛南則金鳳臺高八丈有屋一百九間



北曰水井臺亦高八丈有屋一百四十間上有冰室室有數井井深十五丈藏冰及石墨馬石墨可書又然之難盡亦謂之石炭又有粟窖及鹽九華宮鄴都故事曰以備不虞今窖上猶有石銘存焉九華宮鄴都故事曰東北石虎以建武元年秋建以三三為位謂顯陽殿在之九華沈約詩曰照耀三爵臺徘徊九華殿顯陽殿九華宮中為正殿晉書載記曰虎于鄴起東西宮又起靈風臺九殿于顯陽殿後選士庶之女以充之後庭服綺殺玩珍奇者萬餘人置女官十有八等教官人星占及馬步射置女太史于靈臺仰觀災祥以考外太史之虛實又置女鼓吹羽儀雜技工巧皆與外侷蓋顯陽殿後有九殿居宮嬪于其中故總名其宮為九華宮也皇后傳曰舊顯陽昭陽二殿太后皇后所居也永明中無太后皇后羊貴嬪居昭陽殿西范貴妃居昭陽殿東寵姬荀昭華居鳳華栢殿宮內御所壽昌畫殿南閣置白鷺鼓吹二部乾光殿東西頭置鐘磬兩廂皆宴樂處也上

數遊幸諸苑圃載宮人從後車宮內深隱不聞端門鼓  
漏聲置鐘于景陽樓上宮人聞鐘聲早夜裝飾至今此

鐘唯應五鼓及三鼓也又曰世祖嗣位運藉休平壽昌  
前興鳳華晚構香栢文程花梁繡柱雕金鏤寶照燭房

帷趙瑟吳趨  
承間奏曲  
逍遙樓  
鄴中記九華宮北有逍遙樓南臨  
官宇北望漳水極目嬉遊逍遙之

奇觀  
現華殿  
晉書載記曰石鑿殺石遵于此殿其後石  
鑿使李松張才等夜誅石閔李農于此殿

不克  
暉華殿  
石遵僭位暴風拔樹震雷雨雹大如孟太武  
暉華殿災諸門觀閣蕩然其乘輿服御燒者

大半金石皆盡火月  
餘乃滅雨血遍鄴城  
金華殿  
樂史太平寰宇記曰虎於  
金華殿後作浴室為九龍

街水  
閻闔門  
載記言石虎令  
成公段作此門  
西中華門  
載記言石鑿使  
李松張才誅石

閔李農不克乃偽  
不知斬松才于此門  
靈風臺  
載記言石虎起此臺于顯  
陽殿後鄴中記云九華宮

北有逍遙樓宋元祐中顯陽殿廢基後有廢中臺載記

樓基豈逍遙臨風嘗因改易乃同處異名耶

宣武觀

載記言石虎將討三方諸州兵

儀以下數千登中臺以觀之

至者百餘萬太史令趙攬私于虎曰白雁臨太武殿庭

宮室將空不宜行也石虎納之臨宣武觀大閱而解嚴

陵霄觀如意觀載記言石閔造甲士三十執石自琨華

以下殿門臺雖見于傳記而莫知所在蓋石虎所起內

外大小殿九臺觀四十餘所其於曹魏宮室改易多矣

况其後國滅主異固有更革其名廢毀其宇者未能詳

也



右宮內

城內街渠里閭府寺等見于傳記者有赤闕黑闕

魏都賦注

曰二闕正當東西南北城門並是其通街也

壽里吉陽里永平里思忠里戚

里

魏都賦曰其閭里則長壽吉陽永平思忠亦有戚里寘宮之東閉出長者巷已諸公都護之堂殿居綺牕

輿騎朝猥蹀殿其中案注云長壽北入皆貴里也然未知其分布所在都護者將軍曹淵也其宅亦未獲其處

石竇橋

魏都賦注曰石竇橋在宮東其水流入南北里蓋魏武帝時堰漳水在鄴西十里名曰漳渠堰

東入鄴城經宮中東出南北二溝夾道東行出城所經石竇者也水經注曰魏武引漳流自城西東入經銅雀臺下伏流入城東注謂之長鳴溝水又東南逕止車門下南北夾道枝流裂灌所在通溉東出石竇下注湟水

蓋魏武登臺賦曰相國府御史大夫府少府寺奉常寺引長鳴灌街里也

大農寺太僕寺中尉寺大理寺太社郎中令府魏都賦曰其府

寺則位副三事官踰六卿奉常之號大理之名屢屋一揆華屏齊榮肅肅階關重門再扃師尹爰止毗世作楨

注曰當司馬門南出道西最北東向相國府第二南行御史大夫府第三少府寺道東最北奉常寺次南大農

寺出東掖門正東道南西頭太僕寺次中尉寺出東掖門官東北行北城下東入大理寺官內太社西郎中令

府武帝為魏王時太常號奉常廷尉號大理建安十八年始置大理大農少府中尉二十一年大理鍾繇為相

國始置太常宗正二十二年以軍師華歆為御史大夫初置衛尉時武帝為魏王置相國御史大夫故云位副

三事置卿近九故宗正寺衛尉寺二寺未虎賁羽林五

云官踰六卿也知所在

營在城南白藏庫乘黃廐庫與廐並在西下庫有屋一百七十四間爾雅云秋為白藏因

以為名魏都賦曰白藏之藏富有無隄同賑大內控引世資實帙積瑞琛幣充牣關石之所和鈞財賦之所底

慎燕弧盈庫而委勁東明觀水經注曰石虎於東城上奠馬填廐而踞駿

謂之鏘天鄴中記云南城東北角齊午樓水經注曰石北城東南隅有東明觀因為基

起齊午樓超上都亭建安邸李善曰鄴城東有都亭城羣榭孤高特上

樓門臨道建安中所立也古者重客館故舉年號以名之

### 右城內

城外立武苑苑在鄴城西魏武所築引新河水入焉苑中有魚梁釣臺竹園蒲萄諸果魏都賦曰

苑以玄武陪以幽林繚垣開園觀宇相臨碩果灌叢園木疎尋篁篠懷風蒲菊結陰回淵淮積水深蒹葭臂雀

弱森丹藹凌波而的皦玄武池建安十三年魏武鑿此綠芰泛濤而浸潭也

池在漳水南水經注云洹水自城西經魏武玄武苑有玄武池有魚梁釣臺竹木灌叢今池絕滅略無遺址

石虎時揚州獻黃鵠雛五頸芳林園鄴中記曰魏武所長一大聲聞十里泛於此池

名華林後趙石虎建武十四年重修然晉書載記言靈虎用沙門之言起男女六十萬人築華林未詳其實

芝園西置靈芝園黃初二年有甘露降于園中靈芝

池鄴中記云此池在城西三里黃初三年文帝鑿至四年有鵜鵠集于池疑此誤書洛陽故事又引曹植詩

曰清夜遊西園飛蓋相追隨華林苑石虎時一沙門言或曰西園即玄武苑是也

胡運將衰晉當復

典宜役晉人以厭其氣季龍使尚書羣發近郡男女十  
六萬車萬乘運土築華林苑周回數十里及築長牆數  
十里樂史寰宇記云季龍于華林植人間名果作蝦蟆  
車相潤一丈深一丈合土載車中所植無不生苑後在  
南鄴城西高齊修觀臺石虎所築以臨漳水故名曰關  
之改名仙都苑云觀臺觀今磁州觀臺鎮是其地也關  
雞臺鄴中記曰漳水南有玄武池次東北五里有關雞  
臺曹植詩曰關雞東郊道走馬長楸間後石虎亦  
關雞臺戲馬臺一名關馬臺水經注云漳水自西門豹祠  
于此戲馬臺北經關馬臺西臺基高五丈列觀其上石  
虎每講武於漳水上即升觀以望之自於臺上放鳴鏑  
矢以為軍騎出入之節鄴都故事云石虎建武六年造  
此臺於鄴城西漳水之南虎時侍衛號曰龍騰黑鞘五  
千人常以晦朔日望簡練于此漳水南張熾鳴鼓列布  
騎卒虎於臺上射散箭一枝具五千人悉馳馬從漳水  
之南聲集於臺下于是隊督以下各有頒賚虎又射一

箭其五千騎復馳集于漳水北遂流散橫促旌旗紛錯若數萬騎馬樂史寰宇記云虎常令人于馬上屈一脚

立書而走字皆正好木伎而作彌桑梓苑晉書載記永猴形走馬或偃卧橫名之為猿騎

耕藉田于桑梓苑鄴中記云鄴南城三里有桑梓苑苑內有臨漳宮水經亦云漳水右對趙氏臨漳宮宮在桑

梓苑以地多桑木故苑有其名三月三臨漳宮語已永日及始蠶之日虎帥皇后等採桑於此

樂宮在城北七里梨園宮在城西十里宋時為赤橋宮在城

里鄴中記曰石虎常自褰國至鄴二百里每舍輒立一行宮宮有一夫人侍婢數十又有鐘鼓禽獸而置官司

吏卒監守之故于城南四十里又有安陽宮八十里又有湯陰宮然若臨漳永樂梨園赤橋四宮皆在城四方

遠不出十里疑只紫陌橋水經注曰漳水又北逕祭陌當時遊獵之所耳

于此改名紫陌慕容爲投石虎尸紫陌官鄴中記曰在  
及石虎爲佛國澄作生墓處也

石虎建於紫陌橋側及齊時因修爲濟口帝巡幸及往  
并州百官相餞莫不至此而訣文宣常將西巡百官辭  
于紫陌帝使兵騎圍之曰我舉鞭一時刻然淹留半日  
文宣醉不能起黃門侍郎是連子暢追曰陛下如此諸  
臣恐怖文宣曰大怖耶天井堰堰在紫陌橋下鄴都故  
若然不須殺乃命解圍天井堰事云西門豹爲鄴令造  
十二渠以溉民田其後史起修之民歌其利故魏都賦  
曰西門溉其前史起灌其後塹流十二同源異口也石  
虎修西門舊跡亦分十二塹相去三百步令  
互相灌注其流二千餘里世號天井堰云

### 右城外

右鄴都北城自曹操基構羣臣梁習等止用冀州民力

取上黨山林之材制度壯麗見於文昌聽政等殿金虎  
銅雀之臺鳴鶴楸梓之宮奢淫未終旋遭篡奪石虎夷  
狄異類藉勒威業攘神器而有之志溢氣驕盛興宮室  
銀楹金柱珠簾玉壁侈心不足復命徙洛陽鐘虜九龍  
銅駝飛廉置諸殿廷造萬斛舟以渡之載以四輪纏輞  
車及其至也大賚羣臣赦有罪賜民爵起一橋而費億  
萬之功築一苑而役六十萬人又造獵車千乘轅長三  
丈高一丈八尺置高一丈七尺格獸車四十乘立三級



行樓二層于其上自靈昌津南至滎陽東極陽郡使御史監察其中犯禽獸者罪至死又大發百姓女年二十以下十三以上三萬餘人以充後庭郡縣要媚務於羨淑奪人婦者九千人殺其夫及遣而縊死者三千人方其遣子宣祈於山川因而遊獵乘大輅羽葆華蓋建天子旌旗十有六軍戎卒十八萬出自金明門虎從其後官升陵霄觀望之乃笑曰我家父子如是自非天崩地陷當復何愁未久父子兄弟更相屠膾尸浮漳濱家無

噍類積惡不已舍滅亡何適哉石氏都鄴十九年其事無足道者特志其奢虐之跡嗟乎亦足垂永鑒矣

鄴都南城

在鎮東南三里魏孝文太和十八年自雲中遷都洛陽經鄴宮留數日臨引軍發懸飯一

彘于城門上而去尚書崔光語人曰掛飯者懸殮也後世玄孫必興于此至孝武永熙三年高歡逼帝西入關乃立清河王亶之子善見于洛陽東北改元天平以十月丙子車駕北遷于鄴十一月庚寅至鄴居北城改相州為司州收以魏郡林慮廣平陽丘汲郡黎陽東濮清河廣宗等為皇畿于城東置臨漳縣城西置鄴縣城東北置成安縣臨漳三百鄉鄴縣五百鄉成安三百五十一鄉二年八月發衆七萬八千營新宮元象元年九月發畿內十萬人城鄴四十日罷二年帝徙御新宮即南城也鄴中記云城東西六里南北八里六十步高歡以北

城狹隘故令僕射高隆之更築此城掘得神龜大踰方丈其堵堞之狀咸以龜象焉北史高隆之傳云隆之領管構大將以十萬夫徹洛陽宮殿運于鄴構營之制皆委隆之增築南城周回二十五里以漳水近城起長隄為防又鑿渠引漳水周流城廓以造水碾礮云十一門南面三門東曰啟夏門

中朱明門

鄴中記云門上起樓勢屈曲隨城上下東西二十四門朱柱白壁碧牕朱戶仰宇飛簷五

色晃耀獨雄于諸門以為南端之表也

西曰厚載門南曰仁壽門次曰中

陽門次北曰上春門北曰昭德門西面四門南曰上秋

門次曰西華門次北曰朝門北曰納義門

南城之北即連北城其城

門以北城之南門為之

# 右城門

宮室

鄴中記云官東西四百六十步南北連後園至北城合九百步東西南北表裏合二十一闕高一百

丈磚文隱起鳥獸花草之狀并大止車門鄴中記云止車門內次至

端門端門之內端門在止車門北閭閭門南直止車門次至閭閭門

蓋宮室之外正門也鄴中記云其門崢嶸聳峙干雲迥出飛簷峻宇梁楸散危綺井隆崇搏風薄霧高牕鳥影

曉日留暉寶鐙鏘隨風合韻過其下者莫不駭目自驚恍惚如失也鄴中記又云清都觀在閭閭門上其觀

兩相曲屈為閣數十間連闕而上觀下有三門門扇以金銅為浮漚釘懸鐸振響天子講武觀兵及大赦登觀

臨軒其上坐客千人下亦數百門外御路直門及東西兩傍具大槐柳十步一株清陰合其上綠水流其下

雲龍門神虎門

鄴中記云端門之內太極殿前東西有街東出雲龍門西出神虎門朝官至此

門則整肅衣冠而入蓋太極殿前直端門疑太極殿中有屏垣故于端門之內東西復作此二門也

記云闔闔門之內有太極殿故事云其殿周回一百一十柱基高九尺以珉石砌之門窗並以金銀為飾外畫

古忠諫直臣內畫古賢酣興之士椽椽斗拱畫以沈香木椽端復飾以金獸頭每間綴以五色朱絲網上屬飛

簷以礙燕雀堦間石面隱起千秋萬歲字諸奇禽異獸之形瓦用胡桃油光輝奪目有外客國德諸番入朝則

殿幕垂流蘇以覆之殿上金太極東堂在殿太極西堂

在殿朱華門鄴中記云太極殿後三十步至朱華門門之內即昭陽殿北史周師逼鄴高緯與皇太

后引文武一品以上入朱華門昭陽殿在太極殿後朱賜酒食及紙筆問禦周方略

曰殿東西各有長廊廊上置樓並安長窗垂珠簾通于內閣每至朝集大會皇帝臨軒則宮人盡登樓奏樂百官列位詔命仰聽強管頌奏侍從羣臣皆稱萬歲太史長史唱訖綠竹競發金石和鳴齊午之際有司進奏訖羣臣班退自高緯天統之末耽淫無度或一入內經旬不朝文武簪裾虛位而散矣鄴都故事云此殿周回七十二柱基高九尺以文石砌之門窗盡飾以縷金欄楯盡以沈香木為之外畫東漢二十八將內畫孝子順孫梁拱間刻出奇禽異獸或蹲或踞或騰逐往來椽首叩以金獸乃懸五色珠簾冬施蜀錦帳夏施碧油帳殿上

有金蔥臺十三

東閣西閣

陽殿東西

含光殿涼風殿

中

記云昭陽宮東有長廊通東閣閣內有含光殿西有長廊通西閣閣內有涼風殿內外通廊往來流水珍木香草布葭堦庭此則劉桃枝紋

永巷

殿後五樓門

中記

穀咸陽王斛律明月處也

殿後

五樓門

中記

殿後有永巷巷北有五樓門門  
內則帝後宮嬪御所居處也  
顯德殿北史曰天寶二

昭陽或曰此昭陽後殿  
也後移顯陽名之耳  
宣光殿鄴中記曰昭陽殿後有

則帝後宮有左右院左院有  
殿名顯陽右院有殿名宣光  
鏡殿寶殿玳瑁殿北史言

此三殿于後宮嬪嬙諸院  
中丹青雕刻妙極當時  
修文殿偃武殿鄴中故事云

湛河清中以後宮嬪妃稍多椒房既少遂拓破東宮更  
造修文偃武二殿及聖壽宮裝飾用玉珂八百大小鏡

萬枚又以曲鏡抱柱門窗并用七寶裝飾每至元雲夜  
輿晦魄藏耀光明猶分數十步北史言高緯增益宮苑

造修文偃武臺丹青雕刻妙極當時疑在此聖壽宮鄴中  
二殿之後築之故因以名馬或曰即二殿也聖壽宮記曰

在修文偃武殿後其堂亦用玉珂八百具大小鏡二萬  
枚又為曲鏡抱柱丁香末以塗壁胡桃油以塗瓦四面

垂金鈴萬餘枚每微風則方十里間響聲皆徹兩廂廊下悉有洞戶寢臺畫古賢烈女蓋此堂裝飾與二殿大同小玳瑁樓鄴中記曰聖壽堂北置門門上有玳瑁樓吳耳玳瑁樓純用金銀裝飾懸五色珠簾白玉鈎帶內有玉石牀數合用相思子玳瑁後園鄴中記曰宮北有為龜甲文鋪以十色錦繡褥也後園其中惟有萬壽堂見于北史

### 右宮內

南城自興和遷都之後四民輻湊里閭闐溢蓋有四百餘坊然皆莫見其名不獲其分布所在其有可見者有

東市在東郭

西市在西郭

東魏太廟在朱明門內南街之東

御史臺在東

御史臺在東

御史臺在東

御史臺在東

御史臺在東



門外街西臺門北向取陰殺之義也內有符節署符璽  
郎二人蓋御史之官屬也鄴城新記曰北齊尚書辛術  
鎮廣陵獲歷代傳國璽送之鄴文宣以璽告太廟即秦  
之所刻而孫威所謂真藍田璞者也其璽方四寸紐交  
蟠龍璽文春相李斯書文曰受命于天既壽永昌一角  
缺者昔王莽令王舜求璽於元后后怒投之於地故也  
自漢傳之魏晉劉聰獲之石氏及冉閔亡歸于東晉東  
晉亡宋獲之宋亡齊獲之齊亡梁獲之侯景作亂將以  
自隨命其侍中趙思賢學之曰吾若敗以璽沉江勿令  
吳兒復得也思賢有二馬一以負金一以負璽及京口  
遇反者將渡江而負金之馬為賊所執負璽者躍而登  
舟得至北岸路復逢賊遂棄草中既至廣陵以告郭元  
建建求得之遂付辛術送于鄴云晉書穆帝永和八年  
冉閔子智以鄴降督護戴施獲其傳國璽送之文曰受  
天之命皇帝壽昌百僚畢賀北史後魏太平真君七年  
詔諸州阮沙門毀佛像夏四月毀鄴城五層佛圖於泥

像中得玉璽二其文皆曰受命于天既壽永昌其一則東其旁曰魏所受漢傳國璽夫以晉史按馬溫之言則東晉所獲丹閔璽其文各異以北史按馬溫之言則後魏所獲沉像中璽其文乃同意古人為佛圖時嘗別得二璽藏之不然魏得漢傳國璽而藏於沉像中甚無謂也使漢璽已藏棄則晉復得魏何璽耶且北史言齊天保二年夏四月壬申東南道行臺辛術於廣陵送傳國八璽而馬溫止記秦漢所傳一璽其言似出於附會或取其一璽載之耳夫但載一璽則東晉所獲丹閔璽其文不常有異以是知其非實故括諸書所載以俟後之君子

大司馬府

在端門外街東南向

尚書省卿寺

鄴中記曰尚書省及卿寺百司自今

僕而下至二十八曹並在官都之南

司州牧廨

鄴中記曰在北齊太廟北又云天平元年改相州為

司州統清都郡

鄴中記曰在仙都苑東本魏郡齊志云河清三年武成改為清都管縣八此二

者未  
京畿府在城北齊文宣帝登三臺四望問成王元

宣于是有誅滅之意元歆尋齊錄尚書事和士開宅在

明門內南街之西魏尚書元文遙宅在南街齊儀同三司劉臻

宅在啟下司徒唐元邕宅在御史臺南高昌王劉龍虎宅在

西昌黎王韓長鸞宅在御史臺南錄尚書事司馬子如南宅

案北史在北城下東魏魏大丞相渤海王高歡宅鄴都

云歡為魏丞相所居在北城文昌殿之東南後文襄及

上齊左丞相咸陽王斛律明月宅在城北今其所居之

雙堂

北史堂在城東高澄遇賊之時文宣蓋在此堂然史又言河清二年詔以城南雙堂之苑造大總持

寺則城東城南皆有雙堂及苑矣

仰觀臺

在城內當殿闕之東南興和元年與城同築周四二十八

步高二丈六尺石橋鄴中記曰王城東五里南北長一百尺東

射高澄之造當時以橋北為東市即古萬金渠也

遊豫園

周四十二里內包葛屢山作臺于上鄴都

故事云齊文宣天保七年于銅雀臺所清風園

在鄴南鄴都故事云

後主緯以北園賜穆提婆于是官無蔬菜賒買于民負錢三百萬此園是蔬圃也

華林園

鄴中記云

齊武成增飾華林園若神仙所居遂改為仙都苑北史魏收傳言武成于華林園中作元洲苑備山水臺觀之

美疑即仙都也其苑中樓觀山池自周平齊之後華毀廢

元洲苑仙都苑

語已苑中見上苑中

封土為五岳

並隔水相望

五岳之間分流四瀆為四海匯為

大池又曰大海

每池中通船行處可二十五里中有龍舟六艘又有鯨魚青龍觸首飛隼赤鳥

等海池之中為水殿

周四十二間四架平生廣二丈九尺基高二丈四寸八分殿脚船

二隻各長二尺五寸上作四面步廊周四十四間三架悉皆彩畫垂五色流蘇帳帷袂隱玉珮柱上掛方鏡

下懸織成香囊用錦褥為地衣花獸連鈎皆純金飾以孔雀山鷄白鷺翡翠毛彩物光明奪人目力不能久視

馬其中岳嵩山有平頭山東西有輕雲樓架雲廊十六

間南有峨嵋山

小山東西屈頭南向若峨嵋也

山之東頭有鸚鵡樓

以綠

瓷為瓦其色似鸚鵡因名之

其西有鴛鴦橋

以黃瓷為瓦其色似鴛鴦因名之

北岳

南有玄武樓樓北有九曲山山下有金花池池西有三

松嶺次南有凌雲城西有陸道名通天壇大海之北有

飛鸞殿

其殿十六間五架青石為基玳石為柱礎鎬作蓮花形梁棟楹柱皆苞以竹作千葉金蓮花三

等束之其上舒葉長一尺八寸斑竹以為椽織五色篔為水波文以作地衣內垂五色珠簾麒麟錦以為緣白

玉以為鈎後有簷其南有御宿堂此堂盡用鐵裝度前

下列水周流不絕尺五寸石色赤其堅不可鑿不知如何方所獻其東有井

以玉砌之堂前白櫻桃二株實大如彈丸又有勾鼻桃二株實大其中有紫微殿外畫義夫宣風觀千秋樓在

可三斤云七盤山上曰屈曲而上故曰七盤山有數峰東曰散日西

七盤山上

曰隱月東北曰停鸞嶺西北曰駐鶴又有含

宿障白  
露嶺

又有遊龍觀大海觀萬福堂

此堂慶頭名曰遊龍戶舞鳳廳蓋戶

掛鏡面三尺五色金龍相盤紫作花樹芳草隱起七尊  
以七寶飾之又用孔雀山鷄白鷺翡翠毛當鏡上作七

寶金鳳高一尺七寸口銜九金鈴堂內柱亦燃  
菱花鏡廣二尺一寸下懸織成香囊繡帶馬

流霞殿

已上一觀一堂一殿  
並在紫微殿左右

修竹浦

在紫微殿北

連壁洲

在紫微殿內杜

若洲蘼蕪島三休山

東有悲孫峯西有忘歸嶺南有黃雀窰已上並在大海中

四海

有望秋觀臨春觀隔水相望海池中又有萬歲樓

樓西有長

椒馬埒每歲春秋妃  
嬪內貴馬射之處也

北海中有宓作堂

堂周回二十四架以大船浮之

于水為激輪于堂層層各異下層刻木為七人相對列  
生一人彈琵琶一人擊胡鼓一人彈箜篌一人拍箏一

人振銅鉢一人拍板一人弄盤並衣之以錦繡具節會  
進退俯仰莫不中規中堂作佛堂三間佛事精麗又作  
木僧七人各長三尺衣以繒綵堂西南角一僧手執香  
奩東南角一僧手執香爐而立餘五僧遠佛左轉行道  
每立西南角則執香奩僧以手拈香投行道僧舒手  
受香復行至東南角則執香爐僧舒手投香于行道僧  
僧乃舒手置香于爐中遂至佛前作禮禮畢整衣而行  
周而復始始與人無異上層亦作佛堂傍列菩薩及侍衛  
力士佛生帳上刻作飛仙循環右轉又刻畫紫雲飛騰  
相映左轉往來交錯終日不絕並黃門侍郎博陵崔士  
順所製奇巧機 貧兒村 齊後主高緯天統末于密作堂  
妙自古未有 側率諸內人閹官等作貧兒村  
編蒲為席剪茅為房斷經之薦折簣之牀故破靴履糟  
糠飲食臨井黎窳短題破廠蒿簷不蔽風雨緯與諸妃  
嬪遊戲其中以為笑樂多置貨物緯躬為市令胡后坐  
店賣酒而令宮人交易其中往來無禁三日而罷嗚呼



人之昏愚  
有若是哉  
高陽王思宗城高緯于苑內作小城令思宗為城主緯親率閣官集衛士

圍城鼓噪矢石亂發一日一夜攻城西北隅思宗東走為戰兵所擒後周師入鄴緝獨與其家僮宦者數百人

走青州尉遲勒擒送周此將亡之兆  
已上並在仙都苑中

### 右城內城外雜錄

右鄴都南城其制度蓋取諸洛陽與北鄴然自高歡營之高洋飾之卑陋舊貫每求過美故規模密于曹魏奢侈甚于石趙夫以洋之才征伐四克威震戎夏一旦沈湎矜伐崇修宮室殫淫巧竭財力焦思盡智繼之狂惑

喪心靡所不至厥後蹈襲奢跡去而不反高緯增益宮苑夜則以火照作寒則以湯為泥百工窮困無有休息當是時也忠良被剗剔犬馬蒙爵位宮中一裙直萬匹鏡臺直千金競為變巧朝成夕弊侈心既厭乃作貧兒村以為戲樂嗟乎周師至矣實欲丐身為窮兒不可得也初武成令宮中多凝白粧畫眉不復用黛惟以烟墨皆剪剔其髮以著假髻而危邪之狀如飛鳥至於南面則髻心正西始自宮內為之被于四遠天意若曰元首剪

落危側當走西也及周師克晉陽使梁師彥為守後主

率師攻之城陷十步將士乘勝欲入後主令待馮淑妃

共觀之淑妃以妝洗不獲時至周師復振齊軍遂潰而

亡今覽觀北史及鄴中記蓋又有建始嘉福仁壽二殿天保

二年十月與宣光門同建金華天保七年四月建九龍天統三年瑤華諸殿

四年昭陽殿災及宣光瑤華等殿含章高澄幽東魏孝流杯鄴中記此

石為柱礎青石為基白石為池餘奢飾尤甚蓋椽頭皆

安八出金蓮花柱北又有金蓮花十枝銀鈞掛網以禦

鳥雀馬喜音鄴中記曰在流杯乾壽諸堂武成死及華林

堂後裝飾皆相似

都堂

東魏元象元年  
幸此堂聽訟

麟趾閣

興和二年以羣臣于麟趾閣議定新制頒行天下

文林館

武平四年置

考之諸書不見其所在北史曰九龍殿

災延燒西廊則九龍殿當在西廊前後矣昭陽殿災及宣光瑤華等殿則瑤華殿當在後宮近宣光殿矣然曰等殿者豈非建始嘉福仁壽之謂邪姑備載之俟博覽者

歷代帝王宅京記卷十三